

**Абдувохидов Миржалол Ўқтамжон ўғили**

*Гулистан давлат университети психология*

*йўналиши 64-21 гуруҳ талабаси*

Замонавий инсон ўзи ҳоҳламаган ҳолда кучли стресс режимида яшайди ва унда мунтазам равишда асаб зўриқиши тўпланиб боради. Баъзи кишилар атрофдагиларга бақириб бу ҳолатдан осон чиқиб кетадилар. Шундай кишилар борки, ўзларининг тарбияси кучлилиги ва маданиятлилиги билан ҳаммасини ичларига ютадилар ва бу билан саломатликларига зарар қиласидар. Тиббий нуқтаи назардан бундай вазиятларда жанжал кўтариш мумкин ва керак, этика нуқтаи назаридан эса тескариси. Бундан келиб чиқадики, инсон ўзи вазиятга қараб тўғри қарор қабул қилиши лозим.

Хис-туйгуларни тийиш одатда турли касалликларнинг келиб чиқишига сабаб бўлади. Ғазаб, ҳасадгўйлик овқат ҳазм қилиш аъзоларини жароҳатлайди, ғам-алам эса қандли диабет касаллигини келтириб чиқаради. Агар инсон бирон нарсадан доимо қўрқувда яшаса унинг қалқонсимон безлари заҳмат чекади. Асабий зўриқиши, салбий ҳаяжонлар гипертонияга, юрак фаолиятининг бузилиши ва инфарктга олиб келиши мумкин.

Бугунги кунда ўз ҳаяжонларини, аламларини ичида сақлаб юрадиган одамларнинг саломатлиги, ўз ғазабини дарров чиқариб юборадиганларга нисбатан ёмонроқ, яъни улар юрак хуружларидан ўз хис-туйгуларини ушлаб турмайдиганларга нисбатан икки баравар кўпроқ безовта бўладилар.

Бундай ҳиссий зўриқиши вазиятларидан чиқиб кетишнинг бошқа йўллари мавжудми? Албатта!

Биринчидан, организмдаги ҳиссий зўриқишини фақатгина бақириш билан эмас, балки турли жисмоний машқлар билан ҳам бартараф қилиш мумкин. Масалан, катта тезлиқда юқори қаватга кўтарилиш, велосипедда учиш, ўтин ёриш ва ҳок.

Иккинчидан, салбий кечинмаларни ижобий ҳис –туйгулар билан алмаштириш. Энг осони неврологларнинг маслаҳатига кўра вазиятни жиддий қабул қиласлик ва бу ҳолатдан кулгили бирор сабабни топиб қаҳ-қаҳ отиб кулиш керак. Бу усул ҳам организмдаги тангликни енгиб ўтишга ёрдам беради.

Учинчидан совуқ сувда юзни ювиш, муз бўлаги билан юзни артиш ва шу билан бирга совуқ сув ичиш жуда яхши чорадир.

Тўртингчидан, агар имкон бўлса ёқтирган куйингизни эшитиш. Бу усул тезда агрессияни бостиришга ва кайфиятни кўтаришга ёрдам беради. Оз вақтдан сўнг ўзингизни яхши ҳис қилишингиз ва бўлиб ўтган воқеани эсдан чиқаришингиз мумкин.

Шундай қилиб стресс – бу организмнинг зўриқиши ҳолати бўлиб, организмнинг унга қўйиладиган талабларига жавоб реакциясидир.

Стресс зўриқишининг белгилари:

- бирор-бир нарсада диққатни жамлай олмаслик;
- ишда хатоликларга йўл қўйиш;
- хотиранинг ёмонлашиши;
- чарчашиболлари кўп кузатилади;
- тез-тез гапириш;
- фикрни жамлай олмаслик;

– оғриқларнинг тез-тез пайдо бўлиши (бошда, ошқозонда, гавданинг орқа томонида)

- юқори таъсирчанлик;
- шуғулланаётган иши қувонч бахш этмайди;
- иштаҳанинг йўқолиши;

Агар биз ўзимизда зўриқиши ҳис қилсак унинг сабабларини аниқлашимиз керак.

Стресс физиологик, психолигик, шахсий ва тиббий кўринишларга эга. Бундан ташқари ҳар қандай стресс одамини юқори даражали эмоционал танқисликка олиб келади.

*Физиологик кўринишлари:*

Нафас олишнинг тезланиши, юрак уришининг тезлашиши, юздаги оқариш ёки қизаришлар, қондаги адреналиннинг кўпайиши, терлаш.

*Психологик кўринишлар:*

Психологик функциялар динамикасининг ўзгариши, кўп ҳолатларда фикрлаш кобилиятининг секинлашиши, фикрни бир жойга тўплай олмаслик, хотиранинг кучсизланиши, сезиш функцияларининг камайиши, қарор қабул қилишнинг секинлашиши.

*Шахсий кўринишлар:*

Ишончсизлик ҳосил бўлиши ўз-ўзини кузатишни камайиши барча ҳаракатларда ҳолатсизлик ижодий ҳол қилиш борасидаги пассивлик, ҳовликиши, қўрқув ҳаяжонланиш кабиларнинг кўпайиши.

*Тиббий кўринишлар:*

Асабийлашишининг кучайиши, бақирғчақирлар, ҳушдан кетиш, кучсизланиш, бош оғриги, уйқусизлик

Инсон экстремал ҳолатга тушганда эмоционал ҳолати бирдан кўтарилади. У бу ҳолатдан чиқиб кета олмаслигидан қўрқади. Натижада одам ўзини қўярга жой топа олмайди. Бундай ҳолат ўсиши натижасида у ўз вазифасини кераклигича бажарара олмайдиган ҳолатга тушади; хатолар кўпаяди, топшириқларни ўз вақтида бажара олмайди. Режалаштириш ва ўз ишига тўғри баҳо бериш ҳолати бузилади. Бу воқеаларнинг барчаси салбий эмоцияларни келтириб чиқариб, унда ўз кучига ишонмаслик, ўзига тўғри баҳо бериш процессии камаяди. Буниниг натижасида у кўпроқ хатоларга йўл қўяди ва стресс ҳолатига яқинлаштиради.

Бизнинг ҳаётимиз битмас-туганмас ҳаяжонли даврлардан иборат:

1. Инсон идроки қандайдир муаммолар билан тўқнашади.
2. Идрок бу муаммоларни ҳал қилиш учун курашади.

Агар биз бу муаммони ҳал қила олмасак, ёки кўнгилдагидек ҳал қила олмасак тушкунлик ҳолатига тушамиз. Биз бу тўсқинлиқдан ўтиш учун кўплаб хатоларга йўл қўяшимиз. Бу хатоларнинг энг кўп тарқалганларидан бири шундан иборатки, биз кичкини муаммони ҳал этиш учун жуда катта куч сарфлаймз ва натижада ишлаб чиқаришда эмоционал танқисликни ҳосил қиласди. Муваффақиятсизликка эътиборни кучайтириши, хато қилишдан қўрқиши иккинчи тез учрайдиган хатодир. Ўз муваффақиятларни эслаб қолиш, муваффақиятсизликни эсламаслик эса инсон психологиясига роҳат бағишилади. Кўплаб ўспириналар хатоларга йўл қўйилиши натижасида ишончсизсизлик ҳолатига тушиб қолади. Шунинг учун одамлар мақтаниш каби ҳолатларни ўзида ривожлантириб фикрни ўзинин муваффақиятли ишларига қаратса, яшаш ва меҳнат қилиш осонлашади.